

ԳԱՐԵԳԻՆ Բ ԱՄԵՆԱՅՆ ՆԱՅՈՑ ԿԱԹՈՂԻԿՈՍԻ ՑԱՎԱԿՑԱԿԱՆ ԳԻՐԸ ՄԵԾԱՆՈՉԱԿ ԿԻՆՈՔԵՄԱԴՐԻՉ ԱՆՐԻ ՎԵՌՆՈՅԻ (ԱՇՈՏ ՄԱՍԷՐՅԱՆ) ՄԱՆՎԱՆ ԱՌԻՌՈՎ

ՏԻՄՐ ԱՇՈՏ ՄԱՍԷՐՅԱՆԻ՝ ԱՆՐԻ ՎԵՌՆՈՅԻ ՄԳԱԿԻՐ ԸՆՏԱՆԻՔԻՆ

Մեծ ցավով տեղեկացանք մեր ժողովրդի և Առաքելական Սուրբ Եկեղեցու արժանավոր զավակ, մեծահոգև արվեստագետ, կինոռեժիսոր Աշոտ Մալաքյանի՝ աշխարհահռչակ Անրի Վեռնոյի մահվան մասին:

Նանուն Ամենայն Նայոց Կաթողիկոսության և Մայր Աթոռ Սուրբ Էջմիածնի միաբանության Մեր խորին ցավակցությունն ենք հղում Ձեզ և հանգուցյալի բոլոր հարազատներին, արվեստագետ գործընկերներին ու մերձավորներին:

Մեր Եկեղեցին, աշխարհասփյուռ հայությունը խոնարհումով է հրաժեշտ փալիս հայագգի փաղանդավոր արվեստագետին, որ ապրեց ու գործեց հոգում միշտ կրելով Նայոցների սերը և հարազատ ժողովրդի արժեքները: Ֆրանսիայի հյուրընկալ հարկի ներքո ծաղկեցին ու պարող փվեցին Անրի Վեռնոյի հոգու շնորհները՝ բացահայտելով հայ ժողովրդի կենսահասարար ուժը, բարիով, արդարության ու ճշմարտության հաղթանակի հավաքով չարը մերժելու քրիստոսասեր կամքը, որի մեծագույն արտահայտությունն է նրա «Մայրիկ» ֆիլմը՝ իր համամարդկային հնչողությամբ Նայոց եղեռնի մասին դեռևս չգերազանցված սրբեղծագործություն:

Սիրով ու հուզումով ենք միշտ հիշելու լուսահոգի Անրի Վեռնոյին, որին իբրև հավաքավոր, կենսուրախ ու պայծառ մեծ հայորդու ճանաչեցինք Նովակապետական Մեր այցի ընթացքին Լիոն քաղաքում:

Աղոթում ենք, որ Ողորմածն Աստված Իր երկնային երանավետ բարձունքներում խաղաղության մեջ ընդունի Անրի Վեռնոյի երանյալ հոգին, Սուրբ Նոգու շնորհով մխիթարություն պարգևի Ձեզ բոլորիդ և օրհնությամբ առաջնորդի Ձեր կյանքի ընթացքը:

Աղոթք, խունկ և օրհնություն Անրի Վեռնոյի անթառամ հիշարակին, հարգանք և խոնարհում նրա պայծառ անվանը:

Վշտակից սիրով և օրհնությամբ՝

ԳԱՐԵԳԻՆ Բ
ԿԱԹՈՂԻԿՈՍ ԱՄԵՆԱՅՆ ՆԱՅՈՑ

Ս. Էջմիածին,
12 հունվարի 2002 թ.